

0 nagradi

Youth Activism Award (YAA) je godišnja nagrada za omladinski aktivizam, koju dodjeljuje Institut za razvoj mladih KULT s ciljem da prepozna, promoviše i nagradi izuzetne mlade aktiviste i organizacije koje aktivno doprinose društvenim promjenama u Bosni i Hercegovini.

Omladinski aktivizam obuhvata širok spektar akcija koje pokreću mladi uzrasta od 15 do 30 godina, s ciljem rješavanja ključnih društvenih, političkih, ekonomskih i ekoloških izazova. Mladi lideri širom BiH kroz svoje djelovanje promovišu socijalnu pravdu, zaštitu okoliša, rodnu ravnopravnost, reformu obrazovanja, ljudska prava i druge važne vrijednosti, koristeći kreativne i nenasilne metode poput javnih kampanja, digitalnog aktivizma, kulturnog izražavanja i rada u zajednici.

Youth Activism Award odaje priznanje pojedincima i kolektivima koji se ističu svojim doprinosom i služe kao inspiracija drugima. Nagrade se dodjeljuju u pet pojedinačnih kategorija, kao i u kategoriji za organizacije koje aktivno uključuju i osnažuju mlade. Stavljanjem njihove energije, posvećenosti i utjecaja u središte pažnje, želimo motivisati druge da se pokrenu i nastave graditi pravednije, održivije i otvorenije društvo.

Kategorije:

1. **Iskra Promjene** (*Changemaker Award – Društveni aktivizam*) - Za one koji pokreću talase promjena u zajednici. Prepoznavanje mladih koji su pokretači društvenog napretka i koji se zalažu za sistemske promjene. Ova kategorija odaje priznanje onima koji su posvećeni rješavanju društvenih izazova kao što su nejednakost, siromaštvo, pristup zdravstvenoj zaštiti i reforma obrazovanja, organiziranje zajednice, zagovaranje i pokretanje inicijativa na lokalnom nivou, s ciljem stvaranja jednakog i pravednog društva.
2. **Zeleni Borac** (*Eco Warrior Award – Ekološki aktivizam*) - Za hrabre zaštitnike prirode i životne sredine. Dodjeljuje se mladima koji su posvećeni zaštiti planete i borbi protiv klimatskih promjena. Ova kategorija naglašava napore u promicanju održivosti, očuvanja divljih životinja, obnovljivih izvora energije i ekološke pravde, s ciljem osiguravanja zdrave budućnosti za Zemlju.
3. **Svjetionik Pravde** (*Beacon of Justice Award – Kampanje za ljudska prava*) - Za one koji nepokolebljivo brane pravdu i dostojanstvo svakog čovjeka. Ovom kategorijom se odaje priznanje hrabrim mladim osobama koji se zalažu za ljudska prava i jednakost za sve. Ovo uključuje zagovaranje u oblastima kao što su rasna pravda, rodna ravnopravnost, LGBTQ+ prava, podrška izbjeglicama i druga pitanja ljudskih prava na lokalnom, nacionalnom i globalnom nivou.
4. **Digitalni Glasnik** (*Cyber Advocate Award – Digitalni aktivizam*) - Za aktiviste koji koriste tehnologiju kao alat za slobodu i pravdu. Nagrada za digitalni aktivizam prepoznaje inovativnu upotrebu tehnologije i društvenih medija za pokretanje aktivizma i zagovaranja. Ova kategorija usmjerava pažnju na mlade koji koriste digitalne platforme kako bi podigli svijest, mobilizirali podršku i uticali na društvene, političke, ekološke i druge promjene.
5. **IskroKreator** (*Creative Catalyst Award – Kulturni i umjetnički aktivizam*) - Za one koji kroz umjetnost i kulturu bude svijest i mijenjaju društvo. Ističe umjetničke aktiviste koji inspirišu promjene i osporavaju status quo kroz kulturu i kreativnost. Ovi mladi lideri spajaju umjetnost i aktivizam tako što koriste

kreativno izražavanje poput umjetnosti, muzike, pozorišta i drugih oblika kulturnog angažmana da pokrenu dijalog i promovišu pozitivne promjene.

6. **Youth Enabler Award (Organizacije koje osnažuju mlade)** - Ova kategorija prepoznaje organizacije koje svojim djelovanjem aktivno uključuju mlade ljude u kreiranje i implementaciju programa, odlučivanje i vođenje inicijativa. Nagrada se dodjeljuje kolektivima koji mladima pružaju prostor, podršku i resurse za izražavanje, djelovanje i razvoj, te ih tretiraju kao ravnopravne aktere u društvenim promjenama. Ova nagrada naglašava značaj dugoročne posvećenosti radu s mladima, participativnih praksi i stvaranja okruženja u kojem mladi imaju mogućnost da osmišljavaju, oblikuju i realizuju svoje ideje – uz podršku, ali i slobodu.

S obzirom da je ovo prva godina u kojoj Institut dodjeljuje nagrade u obzir će se uzimati aktivnosti provedene u posljednje tri godine i poseban naglasak će biti na kontinuitetu rješavanja problema u nabrojanim kategorijama. Namjera Instituta je da nagradu dodjeljuje svake godine istaknutim pojedincima i organizacijama za sve dobro učinjeno u prethodnoj kalendarskoj godini.

Pobjednici u kategorijama za pojedince bit će nagrađeni posebno osmišljenim putovanjem samo za njih unutar Bosne i Hercegovine. Pobjednicima će biti pokriveni svi troškovi puta, smještaja, hrane i ulaznica za atrakcije koje pripremimo za njih.

Pobjednik u kategoriji organizacija dobit će priliku da nastavi svoj sjajan rad, te će Institut pružiti dodatnu podršku u rastu i razvoju te organizacije.

O YAA završnom događaju

Nagrade će biti dodijeljene na završnom YAA događaju koji će se održati u Sarajevu u augustu, simbolično na Međunarodni dan mladih. Na događaju će sudjelovati finalisti iz svih kategorija koji će imati priliku predstaviti svoj rad ostalim učesnicima događaja, a to će biti članovi stručne komisije, predstavnici vlasti, medija, sponzora i donatora, te predstavnici Instituta. Svi finalisti imat će pravo sa sobom povesti jednu osobu u pratnji kako bi im bila podrška prilikom javnog predstavljanja, jer će dobra prezentacija svog rada utjecati na konačni odabir pobjednika.

Dolazak do završnog događaja ovisi o kvaliteti prijave. Izbor finalista uradit će stručna komisija na osnovu utvrđenih kriterija.

O kriterijima

Kriteriji su podijeljeni na eliminatorne i bodovne, te na podršku javnosti. Svi aplikanti koji ne zadovolje eliminatorne kriterije neće biti predmet daljnje procjene, kao ni aplikanti čije prijave budu dostavljene izvan predviđenog roka ili na način koji nije utvrđen javnim pozivom. Bodovni kriteriji, koje će ocjenjivati stručna komisija čine 75 bodova, dok će podrška javnosti kroz online glasanje donijeti dodatnih 5-15 bodova i konačnih 10 bodova finalisti će dobiti na završnom događaju.

Prijave se dostavljaju isključivo putem online obrasca na [ovom](#) linku.

Krajnji rok za dostavljanje prijava je do utorka 15.7.2025. godine do 23.59 sati. Prijave dostavljene poslije ovog roka neće biti uzete u razmatranje.

Pobjednik je onaj aplikant koji zbirno osvoji najviše bodova.

O Institutu

Institut za razvoj mladih KULT je organizacija koja već više od 20 godina radi na stvaranju boljih uslova za život mladih u BiH. Pored osnaživanja mladih kroz obuke, kampanje i aktivističke inicijative, Institut sarađuje i s institucijama vlastima, pruža podršku u izradi zakonskih i podzakonskih akata, kao i strateških dokumenata, provodi istraživanja i pokreće promjene, te povezuje mlade s onima koji donose odluke.

KULT ne samo da vjeruje u moć mladih, nego im daje konkretne alate, podršku i prostor da djeluju. Ako ste čuli za Zakon o mladima FBiH ili Zakon o volontiranju FBiH iza svega toga stoji KULT sa svojim višegodišnjim iskustvom u radu s mladima, ali i institucijama vlasti.

Misija Instituta za razvoj mladih KULT jeste da razvija i zagovara pravna i druga strateška rješenja, te da gradi i jača kapacitete udruženja i vlasti u BiH i regiji, za uspješnu i održivu politiku prema mladima.

Naša vizija jeste otvoreno društvo u kojem se osposobljeni građani uključuju u sve procese odlučivanja u javnom životu.

Kontakti

Youth Activism Award

Viber/WhatsApp: 062 115 966

Instagram: www.instagram.com/youthactivismaward

Institut za razvoj mladih KULT

www.mladi.org

033 778 778

dunja.jalimam@mladi.org

NAPOMENA: Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.